



Urkunden-Sammlung zur Geschichte der auswärtigen Verhältnisse der Mark Brandenburg und ihrer Regenten

...

namentlich in Beziehung auf Anhalt, Bayern, Böhmen, ... und andere
Länder ; [Urkunden-Sammlung für die Geschichte der auswärtigen
Verhältnisse]

Riedel, Adolph Friedrich

Berlin, 1848

1920. Kurfürst Albrecht vereignet und bestätigt dem Kloster Neuzelle
seines Seelenheils wegen die dem Kloster von Otto Schenk zu Landsberg
aufgegebenen Gerechtigkeiten und Besitzungen im Zolle zu ...

Nutzungsbedingungen

[urn:nbn:de:hbz:466:1-56633](https://nbn-resolving.org/urn:nbn:de:hbz:466:1-56633)

bey vnsern fürstlichen eren vnd werden gelobt vnd darnach leiplich zu den heiligen geschworn die war stete vest vnd vnuerbrochenlich zu halten, zuuolurn vnd zuthun vnd auch dowider nicht zu suchen noch zugebrauchen, geistlich oder weltlich, heimlich oder offenlich In kein weise. Welche glubd vnd eide der obgnant vnser lieber Swager Herzog Ernst von Sachsen etc. von seinen vnd Iren wegen vnd vff Ir verwillung also von vns genomen vnd empfangen hat, alle arglist vnd geuerde Hir Innen gantzlich ausgeschieden. Vnd des alles zu vrkunde vnd gantzer stetigkeit, So haben wir vnser Innsigel an diesen brief thun hencken vnd iglichem vnser nechstgenanten mit Cursursten, der brief einen In gleicher form lautende vbergeben, Der geben ist In vnser Stat Cölne an der Sprew, am Sontag als man In der heiligen kirchen singet Exaudj, Nach Cristi geburt Vierzehenhundert vnd darnach In dem zwey vnd Sibentzigsten Jarenn.

Nach dem im Königl. Sächsisch. Archiv in Dresden befindlichen Originals.

1920. Kurfürst Albrecht verzeihet und bestätigt dem Kloster Neuzelle seines Seelenheils wegen die dem Kloster von Otto Schenk zu Landsberg aufgegebenen Gerechtigkeiten und Besitzungen im Zolle zu Fürstenberg und in den Klosterdörfern, am 11. Mai 1472.

Wier Albrecht, von Gottes gnaden Marggraff zu Brandenburgk, des heiligen Romischen Reichs Ertzcammerer vnd Churfürste, zu Stettin, Pommern, der Cassuben vnd Wenden Herzoge, Burggraffe zu Nürnbergk vnd Fürste zw Rügen, Bekennen öffentlich mitt diessem Brieffe Vor Vns Vnser Erben vnd Nachkommen, vnd sonst gegen Allermenniglich, die In sehen oder hören lesen, Als denn die Würdigen vnd Edelen Vnser Rete lieben Anächtigen vnd getrewen Herr Christoff, Abt Zu der Newen Zelle vnd Otto Schencke von Landelsbergk, Herr zum Tuptz, Sidow etc Zwietracht vnd schelungen mit einander gehabt haben vmb den halben Zoll zu Fürstenbergk vnd etliche andre gütter, hulen vnd gerechtigkeit in des genanten Abts dörffern vnd eigenthumb, haben wir sie mit Vnsern Reten mit beider Part willen vnd solbort freundlich vnd güttlich entschlossen, Also das derselb Schenck Otto vmb Gottels, seiner Eltern vnd seiner sehlen seeligkeit willen zu einem ewigen Testament vor sich vnd alle seine Erben dieselben obgenanten gütter, vnd alle gerechtigkeit, die er oder seine Erben daran gehabt hatt oder haben mögten, deni genanten Gottelshaufe vnd Abte zu der Newen Zelle vnd allen seinen Nachkommen willigglich obergeben vnd vffgelassen hatt, Also das er oder seine Erben den genanten Herrn Christoff vnd alle seine nachkommen Ebte vnd das Gottelsbaus zu der Newen Zelle Nimmermeer betedigen noch anlangen sollen derhalben in keinerlei weise. Also haben wir von des genanten Abts zuzorderst vnd Schencken bete, Auch vmb Gottes, Vnser vnd vorfaren, Eltern vnd Nachkommen sehlen seeligkeit willen zu solcher gabe vnd Testament, Als ein Landesfürste vnd Ober-Lehen Herr solcher gutter Vnsern willen vnd

Volbort gegeben, auch confirmiret vnd bestetigt vnd dem genanten Abbt, seinen Nachkommen vnd Gottshaus zu der Newen Zelle solche gütter vorberürt Zu rechten ewigen eigenthumb Voreigentt, Confirmiren vnd bestetigen das Alleß, geben dazu Vnfern willen vnd solbort vnd Voreigen die gegenwertiglichen in Crafft vnd macht dießs briefs ewiglich bei Crafft vnd macht vnd bei dem genannten Gotteshause zu bleiben. Dauor soll der genant Abt alle sein Nachkommen Aebte zu der Newen Zelle vnd seine Sampnungen die zwei begencknus alle Jare Ewiglich Vnser Herrschaft Als das von je Vor herkommen vnd gehalten worden ist, ohne Abgang halten, bestellen vnd fleißigklich Gott vor Vnser aller selen bitten. Zu Vrkunde mit Vnserm anhangenden Ingesiegell versiegelt. Geben zu Cölln an der Sprew, am Montag nach Exaudi, nach Christi geburdt Vierzehn hundert vnd im Zwei vnd Siebenzigsten Jahre.

Nach einer alten Copie.

1921. Herzog Heinrich von Mecklenburg stiftet Frieden zwischen dem Kurfürsten Albrecht von Brandenburg und den Herzögen Erich und Warzlaff von Pommern, am 30. Mai 1472.

Wy hinrik, van gades gnaden hertoge to Meckelinborch, Forst to Wenden vnd Graue to Swerin, der lannd Rottock vnd Stargart herr, Bekennen offentlichen mit diesem briue gegen Allermeniglich die en sehen, horen oder lezen, dat wy tuschen dem Irluchten vnd hochgebornen Furste vnsem liuen heren vnd Swager herrn Albrechten, Margrauen to Brandemborch, des hilligen Romischen Rickes Ertzcammerer vnd Churfursten, To Stettin, Pommern, der Cassuben vnd wenden hertogen, Burggrauen to Nurnberg vnd Fursten to Rugen, etc. eins, vnd hern Erick vnd herrn wartzlaff, gebrudern, to Stettin, pommern, der Cassuben vnd wenden hertogen vnd Fursten to Rügen vnsern liuen Oheimen, des andern deyls, Fruntliken beredet vnd bededinget hebben mit beyder deyl wetten, willen vnd volborde, Also hirna volget vnd also, dat vnsem hern vnd Swager Margrauen Albrechten Erffliken bliuen schall, wat hie van den vpgenanten Forstendomen juneheft, Nemlich nahm, helm, Schilt, land, lude, Slotte, Stede, Mannschap vnd die, die em erffliken gehuldigt hebben, mit aller tobehorung vnd Furflicher ouericheitt. So schollen die ouerigen vorgnanten Furstendumen vud lannde, die vnse Oheimen hertoge Erik vnd hertoge wartzlaff ytzund yone hebben, den suluen ok bliuen, Nemlich nahm, helm, Schilt, lannd, lude, Stede, Slotte vnd mannschap ok mit erer tobehorung, vthgenomen die, die vnsem herrn vnd Swager vorgnant bliuen schollen. Van der lehen wegen schall die ordnung tuschen den lehen heren vonn Brandemborch, des hilligen Romischen Rickes Ertz-Camerern vnd Churfursten, To Stettin, pommern, der Cassuben vnd wenden hertogen, Burggrauen to Nuremberch vnd Fursten to Rugen, vnnde den lehns Fursten To Stettin, pommern, der Cassuben vnd wenden hertogen vnd Fursten to Rügen mit empfabinge vnd lyhung